

تبریزلی‌لرین فیلملری بو شهرین اینترنتی تیلوویزیونوندا یایلاچاق

تبریز شهرداریسینین اینترنتی تیلوویزیونون مودیری:

تبریزلی‌لرین فیلملری بو شهرین اینترنتی تیلوویزیونوندا یایلاچاق. تبریز شهرداریسینین اینترنتی تیلوویزیونون مودیری، تبریز جماعتیندن ایسته‌دی؛ تبریز و اونون جاذیبه‌لرینه باغلی اؤز گؤرمه‌لی و جالیب فیلم و عکسلرینی نوماییش اوچون شهردارینین اینترنتی تیلوویزیونونا گؤندرسینلر.

فارس خبرگوزاریسینین تبریز شهرداری عومومی رابیطه‌لریندن نقل ائدن گوزاریشه گؤره، میر اعتماد عمادی دئدی: تبریز شهرداریسینین اینترنتی تیلوویزیونو، تبریز شهری و اونون قوجا تاریخ و فرهنگینی و بو شهرین فرهنگی-هونری جاذیبه‌لرین تانیتدیرماق و تبریز شهرینی مودیریتی گوجلرینی تانیتدیرماقا موناسیب فضا یاراتماق اوچون یولا سالیندی و اونون ایشه باشلاماسیندان آز زمان کئچسه‌ده، اؤلکه‌نین ایچی و ائشیکینده گؤزه گلیم ایستیق‌بالینان اوزبه‌اوز اولوب.

او سؤزلرینی آیری بؤلومونده، اینترنتی تیلوویزیوندا نوماییش وئرمک اوچون اؤرگتمه‌لی، فرهنگی و تاریخی فیلملر و برنامه‌لرین طراحلیق و دوزلتمه‌سینه خاطر، تبریز شهرداریسینین کلان برنامه‌سینه ایشاره ائدی، دئدی: بو چالیشمالارین کناریندا بو تیلوویزیونون مودیریتی آماده‌دیر جماعتین و رسانه و فیلم زمینه‌سینده چالیشانلارین، تازا و قدیمی فیلم و عکسلرینی آلیب مخصوص بؤلومده عوموم اوچون نوماییشه قویسون. شهردارینین بین‌المیلل عومومی رابیطه‌لرین مودیری ایدامه‌ده، بو شبکه‌نین تقویت اولوب تبریز و اؤلکه‌نین لاب چوخ موخاطبی اولان شبکه‌یه چئوریلمه‌سی یولدا، تبریزین شهری مودیریتینین چالیشماسیندان خبر وئردی و آرتیردی: آذربایجان و تبریز تاریخ و فرهنگی‌نین تانینماسینا جامع و موختلیف برنامه‌لرین دوزلدیب یایماسی، اوستانین آداب و سونئی راسملری، تبریزین تاریخی-فرهنگی و توریستی جاذیبه‌لری، تازا و گونده‌لیق ایطیلاعاتی ایرائه وئرمک، تبریز شهری و اوستاندان گونده‌لیق خبرلر و گوزاریشلر، اؤرگه‌دن، فرهنگی و تاریخی فیلملر، تبریز شهرداریسی و اونا تابع اولان منطقه و سازمانلار، شهرده یاشاماق آدابی باره‌ده قیسا اؤرگه‌دن فیلملر و اونلارچا آیری ایمکانلار بو اینترنتی شبکه‌نین ایشلریندندیر.

تبریز شهرداریسینین اینترنتی تیلوویزیونون مودیری آرتیردی: تبریز شهرداریسینین اینترنتی تیلوویزیونو **Tvtabriz.ir** آدی‌اینین مجازی فضادا یولا سالینیپ و عزیز جماعتیمیز ائلیه بیلرلر اؤز عکس و فیلملرین بو آدرسینن هامی‌نین گؤرمه‌سی اوچون یوللا سینلار.